

KERAJAAN SERI PADUKA BAGINDA MALAYSIA

SURAT PEKELILING PERKHIDMATAN BIL 15 TAHUN 1979¹

ELAUN KERAIAN

Tuan,

Kelulusan Elaun Keraian

Adalah dimaklumkan bahawa Kerajaan telah meluluskan Elaun Keraian kepada pegawai-pegawai dalam Perkhidmatan Awam dalam Tingkatan Tertinggi G hingga Tingkatan Tertinggi E dalam Kumpulan A dengan kadar 5% daripada gaji bulanan mereka masing-masing mulai dari 1hb Julai, 1979.

Bayaran kepada Pegawai Pemangku

2.1 Pegawai-pegawai yang memangku Tingkatan Tertinggi G, F atau E dengan tujuan kenaikan pangkat adalah juga dibenarkan menerima Elaun Keraian dengan kadar 5% daripada gaji bulanan jawatan yang dipangkunya itu. Pegawai-pegawai yang memangku jawatan Tingkatan Tertinggi D ke atas dalam Kumpulan A dengan tujuan kenaikan pangkat adalah juga dibenarkan menerima Elaun Keraian mengikut kadar-kadar yang ditetapkan dalam perenggan 17 di Lampiran "D" kepada Pekeliling-pekelling Perkhidmatan pelaksanaan penyemakan gaji Laporan Jawatankuasa Kabinet bagi jawatan yang dipangkunya itu.

2.2 Pegawai-pegawai yang memangku jawatan Tingkatan Tertinggi dalam Kumpulan A bagi tempoh melebihi 28 hari tanpa tujuan naik pangkat boleh dibayar Elaun Keraian itu dengan kadar 5% daripada matagaji minima bagi jawatan Tingkatan Tertinggi yang diluluskan bagi pangkuannya.

Cara Pembayaran Elaun Keraian Dalam Tempoh Percutian Pemangku

3. Seseorang pegawai dalam keadaan yang disebutkan di perenggan 2.1 dan 2.2 di atas yang bercuti selama lebih daripada 28 hari dengan tidak putus-putus di bawah mana-mana peruntukan dalam [Perintah Am Bab C](#), termasuk hujung minggu dan hari-hari kelepasan am, akan hanya dibayar Elaun Keraian berdasarkan perkiraan gaji jawatan hakikinya bagi tempoh selama ia bercuti itu.

Tarikh Kuatkuasa Bayaran

4. Pembayaran Elaun Keraian kepada pegawai-pegawai dalam Tingkatan Tertinggi G hingga Tingkatan Tertinggi E selain daripada mereka yang telah diberi kelulusan Pembayaran Elaun Keraian itu terlebih awal adalah berkuatkuasa mulai daripada 1hb Julai, 1979.

Pegawai Tingkatan Biasa dan Tingkatan Kanan

5.1 Pegawai-pegawai Kumpulan A yang lain tidak dibayar Elaun Keraian kecuali setelah mendapat kelulusan yang diberi oleh Ketua Pengarah Jabatan Perkhidmatan Awam seperti yang diperuntukkan dalam perenggan 17 di Lampiran "D" kepada Pekeliling-Pekeliling Perkhidmatan bagi melaksanakan penyemakan gaji Laporan Jawatankuasa Kabinet.

5.2 Pegawai-pegawai lain yang terkebawah daripada Tingkatan Tertinggi G yang telah diluluskan Elaun Keraian berdasarkan kepada tugas jawatan mereka yang memerlukan keraian rasmi bolehlah terus dibayar Elaun Keraian itu selagi mereka masih memegang jawatan yang berkenaan.

Am

6. Dengan keluarnya Surat Pekeliling Perkhidmatan ini, kelulusan yang diberi di bawah kuasa surat-surat Perbendaharaan Bil 0.5046 bertarikh 7hb Julai, 1970 dan Bil. 0.5046 (SJ. 1) bertarikh 22hb Ogos, 1970 adalah dibatalkan.

Saya yang menurut perintah,

(NIK MUSA BIN NIK AABDULLAH)

Bahagian Gaji,

b.p. Ketua Pengarah Perkhidmatan

Awam,

Malaysia.

17hb. September, 1979⁷

Dibatalkan menurut [PP Bil. 4/80](#) dan [PP Bil 8/80](#)

berkuatkuasa pada 1 Julai, 1980.

Ketua Setiausaha Negara,
Jabatan Perdana Menteri, Jalan Dato Onn,
Kuala Lumpur.

Semua Ketua /Setiausaha Kementerian.

Semua Ketua Jabatan Persekutuan.

Semua Y.B.Setiausaha Kerajaan Negeri,
Semenanjung Malaysia, Sabah dan Sarawak.

Akauntan Negara,
Malaysia,
Kuala Lumpur.

Ketua Odit Negara,
Malaysia,
Kuala Lumpur.